

Aurrera Begira 2020. Laburpen exekutiboa

Aurrera Begira Gazteen Euskal Behatokiak urtero burutzen duen ikerketa da, honako helburu hau izanik: Euskadiko gazteek nola antzematen duten oraina eta, epe laburrean, zeintzuk diren beraien etorkizunerako aurreikuspenak jakitea.

Ikerketa Euskadiko gazteriaren lagin adierazgarri bati on-line egindako inkesta batean oinarritzen da. Lagina Euskadin bizi diren 15 eta 29 urte bitarteko 6.341 gaztek osatzen dute. Inkestak 2020ko azaroa eta abenduan zehar jaso dira.

Azterlan hau egiten den ondoz ondoko zortzigarren urtea da, eta helburua da herritarrei eta esparru horretan erantzukizun politikoak eta teknikoak dituztenei tresna erraz eta sintetiko bat ematea, gazteen egoeraren ebaluazioa eta jarraipena egiteko. Horretarako, enpleguaren eta emantzipazioaren egoeran eragin berezia duten 10 adierazleren bilakaera aurkezten da.

1. Egungo egoeraren balorazio indizea
2. Norberaren poztasun indizea
3. Bizitzaren alderdien balantzea
4. Lana galtzeko edo baldintzak okertzeko arriskua
5. Lana aurkitzea aurreikustea
6. Prestakuntzari lotutako lana izatea aurreikustea
7. Derrigorrez emigratu beharra aurreikustea
8. Emantzipazioa zapuztuko dela aurreikustea
9. Gazteen gaitasunekiko konfiantza indizea
10. Etorkizunarekiko konfiantza indizea

Adierazleek zortzi urte hauetan izandako bilakaera ondoko grafikoan irudikatzen da.

AURRERA BEGIRA **8** urte

EGUNGO
EGOERAREN
BALORAZIO
indizea

2013 2020

60 **64**

NORBERAREN
POZTASUN
indizea

2013 2020

80 **74**

BIZITZAREN
ALDERDIEN
BALANTZEA

Arrakalarik
handiena

Lana
Dirua
Aisialdia

LANA GALTZEKO
EDO
BALDINTZAK
OKERTZEKO
ARRISKUA

2013 2020

%57 **%48**

LANA
AURKITZEA
AURREIKUSTEA

2013 2020

%54 **%64**

PRESTAKUNTZARI
LOTUTAKO LANA
IZATEA
AURREIKUSTEA

2013 2020

%46 **%76**

DERRIGORREZ
EMIGRATU
BEHARRA
AURREIKUSTEA

2013 2020

%16 **%10**

EMANTZIPAZIOA
ZAPUZTUKO
DELA
AURREIKUSTEA

2013 2020

%45 **%41**

GAZTEEN
GAITASUNEKIKO
KONFIANTZA
indizea

2013 2020

66 **67**

ETORKIZUNAREKIKO
KONFIANTZA indizea

2013 2020

64 **63**

Ikerketatik ateratako **ondorioak** hauexek dira:

Euskadiko gazteak pozik daude beren egoera pertsonalarekin; 2020an, norberaren poztasun indizea, lan-egoerari, ikasketei, aisialdiari, lagunei, familiari, osasunari eta abarri buruzko balorazioak batzen dituen, 100etik 74koa da. Indize horren 2020ko balioa jaitsi egin da aurreko urteetakoarekin alderatuta, eta serieko baxuena izatera iritsi da. Horren arrazoia izan da gogobetetze txikiagoa izan dela lan-egoerarekin eta lan-itxaropenekin, eskura dagoen diruarekin, baina, batez ere, harreman sentimentalekin eta/edo sexuarekin, 2020an eragin handia izan baitute Covid-19aren pandemiaren ondoriozko konfinamenduek.

Egungo egoeraren balorazio-indizea, egoera pertsonala ez ezik, oro har gazteen egoera edo Euskadi osoaren egoera ere kontuan hartzen duena, 100etik 64koa da, eta 2019tik 2020ra ere jaitsi da. Nolanahi ere, 2013an erregistratutako balioaren gainetik jarraitzen du (60), orduan hasi baitziren neurketak.

Lanean ari diren edo langabezian dauden gazteei eragiten dieten enpleguarekin lotutako adierazleek okerrera egin dute, baina 2013an, seriearen hasieran, baino hobeto mantendu dira. Lanean ari direnen artean, enplegua galtzeko edo lan baldintzak okertzeko arriskua % 34tik % 48ra igo da 2019tik 2020ra, eta horretan eragin handia izan dute Covid-19aren pandemiak eragindako ERTeek, enpresa-itxierek edo jarduera eteteek. Balio horrek, dena den, 2013an (% 57) baino ia hamar puntu beherago jarraitzen du. Bestalde, langabezian daudenen artean, lana aurkitzeko itxaropenak hautsi egin du azken urteetan izan duen goranzko joera, eta % 64 dira urtebeteko epean lana aurkituko dutela uste duten langabeak. Hala ere, balio horrek 2013an (% 54) erregistratutakoaren gainetik jarraitzen du.

Aldiz, ikasleen artean, prestakuntzari lotutako enplegu bat aurkitzeko itxaropenak gora egin du pixka bat, eta % 76koa da, serieko altuena (2018ko balioa errepikatuz).

Eta gazteen artean, oro har, derrigorrez atzerrira emigratzea aurreikusten dutenen portzentajea % 10ekoa da; hau da, Euskadiko 15-29 urteko hamar pertsonatik batek uste du etorkizunean atzerrira joan beharko duela lanera, nahi izan gabe. 2020ko balioa 2013koa baino txikiagoa da, orduan jaso baitzen zifrarik altuena (% 16).

Bestalde, familiaren etxetik independizatu nahi izateagatik eta ezin izateagatik, emantzipazioa zapuztuko dela uste dutenen portzentajea, serieko zifra txikienetako bat da (% 41), eta ia ez da aldatu 2019ko datuekin alderatuta, orduan % 40koa baitzen.

Nolanahi ere, gazteek konfiantza dute gazteen gaitasunetan, eta gazteen gaitasunetik konfiantza-indizea 100etik 67koa da. Indize hori ia ez da aldatu aurreko urtearekin alderatuta (66), eta 2013ko datuarekin konparatuta ere ia maila berean dago (66).

Azkenik, etorkizunarekiko konfiantza-indizea, zeinek gazteen egoera pertsonala, gazteena oro har, eta baita Euskadikoa ere, bost urte barru nolakoak izango diren neurtzen dituen, positiboa da (100etik 63). Hala ere, jaitsi egin da aurreko urteekin alderatuta, eta, izan ere, 2020an serieko baliorik baxuena erregistratu du.